


吳子 下



| | | | | |
|------|---|---|---|---|
| 內閣文庫 | 漢 | 九 | 二 | 二 |
| 番號 | 書 | 五 | 冊 | 架 |
| 冊數 | 類 | 二 | 冊 | 架 |
| 函號 | | 一 | 冊 | 架 |

| | | |
|------|---|---------|
| 內閣文庫 | | |
| 番號 | 漢 | 9521 |
| 冊數 | | 2 (2) |
| 函號 | | 299 184 |




Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19

© Kodak, 2007 TM, Kodak





吳子卷下

太原劉寅註 武林

陳昌遇際五甫

王克安迭生甫

全訂

論將第四

論將評論為將之道也。篇內兼論敵將之能否而為取勝之道。以其有論將二字。故以名篇。凡五章。

吳子曰。夫總文武者。軍之將也。兼剛柔者。兵之事也。吳子言夫總文與武者。三軍之將也。文以附眾。武

以威敵闕一不可兼剛與柔者用兵之事也太剛則折太柔則廢三略曰能柔能剛其國彌光二者亦不可闕也上知天時下知地利中知人事謹君臣之禮飾上下之儀順俗教民綏士以道理之以義勸之以禮撫之以仁文也受命忘親臨陣忘身進死爲榮退生爲辱信賞罰廣智謀明法令威震天下武也斯二者合而有之乃可以爲三軍之將也剛而能柔則不暴而有節制柔而能剛則不廢而有變通剛柔兼濟斯可以任兵之事也

凡人論將常觀於勇勇之於將乃數分之一耳夫勇者必輕合輕合而不知利未可也

凡人論將恒於勇上觀之勇之於將乃數分中之一分耳夫勇者必輕與人合戰輕於合戰而不知我之所利未可取勝孫子曰將者智信仁勇嚴也是勇乃數分中之一件也論將不求五德兼全只觀其勇乃平常之見也夫勇而無謀之將必輕易與人合戰旣輕與人合戰者必不知利害未可用也

故將之所慎者五。一曰理。二曰備。三曰果。四曰戒。五曰給。

故將之所當慎者有五事。謂理備果戒約也。若一味勇猛之將。豈知此理。此因勇者必輕合。故教之以五慎。先舉其目。下文復詳之。

理者治衆如治寡。備者出門如見敵。果者臨敵不懷生戒。者雖克如戰約者法令省而不煩。

理者治衆多之兵。如治寡少之兵。言將得其治兵之理也。備者一出轅門。如見敵之在前。言其預備

王世貞曰
重觀名將
於此五者
有一不全
不取者鮮
矣

之謹也。果者臨敵有必死之志。無懷生之心。言果敢於戰也。戒者已勝敵。如初交戰之時。言戒之至也。約者法令減省而不煩苛。言令之簡也。孫子曰治衆如治寡。分數是也。

受命而不辭家。敵破而後言返。將之禮也。

舊本辭下有家字。今從之。言受君命卽行。不辭於家。敵人破滅。然後言返。此爲將之禮也。

故師出之日。有死之榮。無生之辱。

故師旅出行之日。將有進而必死之榮。無退而幸

楊慎曰事
機全在戰
國語氣然
吳子曰知
此四者乃
可爲將用
其意欲人
知耳非曰
必當行也

生之辱

吳子曰凡兵有四機。一曰氣機。二曰地機。三曰事機。四曰力機。

吳子言凡行兵有四機。機弩牙也。言發動之機如弩牙也。四機氣地事力也。按機者術也。言行兵有氣地事力四件治勝之術。說見下文。

三軍之衆百萬之師。張設輕重在於一人。是謂氣機。三軍之衆士百萬之師。旅張設輕重之勢在於爲將之一人耳。此謂氣機言百萬士衆之氣在將帥

一人之氣。故將勇則兵強。將怯則兵弱。氣使然也。氣者卽孫子所謂朝氣銳晝氣惰暮氣歸之氣。此言三軍之衆百萬之師。主張施設輕銳重大之氣在於將之一人。治養之耳。所謂計險阨遠近謹而勿勞。此乃養氣取勝之術也。故曰氣機。

路狹道險。名山大塞。十夫所守。千夫不過。是謂地機。路狹道險。如車不得方軌。騎不得成列。名山大塞。如蜀之劔閣。秦之潼關。十夫守之。千夫不過。此謂地機也。此因地勢之險。藉以制勝之術。故曰地機。

善行間諜、輕兵往來、分散其衆、使其君臣相怨、上下相咎、是謂事機。

善行間諜以離之、輕兵往來以疑之、分散其衆使力不齊、君臣相怨、上下相咎、使心不一、此謂事機也。間諜是細作探伺之人、能用間諜巧言便舌伺候探視其心、離間之、使敵之君臣相怨、上下相責、又使輕捷之兵或往或來、引而誘之、疑而惑之、分散其衆、此行兵之事之術也。故曰事機。

車堅管轄、舟利櫓楫、人習戰陳、馬閑馳逐、是謂力機。知此四者、乃可爲將。

車堅管轄、備陸戰也。舟利櫓楫、脩水戰也。人習戰陳、教練之有素、馬閑馳逐、僕御之有法。此謂力機也。知此四機、乃可爲三軍之將。管轄是車軸頭鐵楫、是短櫂、亦名橈。管轄堅櫓楫、利戰陣。習馳逐、閑乃力有餘也。能此可謂得治力之術也。故曰力機。知此四術、乃可爲將。

然其威德仁勇、必足以率下、安衆怖敵、決疑施令、而下不敢犯、所在而寇不敢敵、得之國強、去之國亡、是

謂良將

威嚴畏也德恩信也仁慈愛也勇果敢也四者必
足以率下安衆怖敵決疑率下安衆德也仁也怖
敵決疑嚴也勇也施令而下不敢犯又專言嚴也
所在而寇不敢敵又專言勇也得而任之則國強
失而去之則國亡如樂毅歸燕而昭王盛強奔趙
而騎劫敗死此之謂良將也舊本寇上有而字今
從之雖然知上之四機又能如此乃謂良將

吳子曰夫鞀鼓金鐸所以威耳旌旗麾幟所以威目

玉世貞曰
明威字字

法其妙

禁日刑罰所以威心耳威於聲不可不清目威於色
不可不明心威於刑不可不嚴

吳子曰夫鞀鼓金鐸之聲所以威三軍之耳也旌
旗麾幟之色所以威一軍之目也禁令刑罰之施
所以威三軍之心也耳威於聲故聲不可不清也
目威於色故色不可不明也心威於刑故刑不可
不嚴也鞀馬上小鼓也鐸金鈴也

三者不立雖有其國必敗於敵故曰將之所麾莫不
從移將之所指莫不前死

吳子

卷下

六

此三者不立雖有其國必然取敗於敵故曰將之所麾莫敢不從而移之將之所指莫敢不進而死立必敗於敵故曰將之所麾莫不從移將之所指莫不前死者蓋由此三者清明嚴也

李參龍曰不但以此占敵亦當以此自考

吳子曰凡戰之要必先占其將而察其才因其刑而用其權則不勞而功舉

吳子言凡戰之要必先占知敵將姓名而審察其才之能否然後因其虛實之刑而用其權變之法

則我不勞力而功舉矣舊本形上權上皆有其字用上有而字與上句文法同今從之因形是因其愚而信人以下至於將士懈怠其軍不備之形用權是用詐而誘貨而賂至於潛而襲之之權能因形用權則不勞力而功舉也說見下文

其將愚而信人可詐而誘其將愚昧而輕於信人可以詐謀引誘之貪高忽名可貨而賂

性好貪財而輕忽名位者可以貨物賂之

輕變無謀。可勞而困。

輕於變動。又無深謀遠計。可勞擾而疲困之。

上富而驕。下貧而怨。可離而間。

在上者富而志驕。在下者貧而生怨。可使人離而間之。

進退多疑。其衆無依。可震而走。

欲進不能。欲退不敢。多懷疑惑。其衆又無所倚恃。可驚而走也。

士輕其將。而有歸志。塞易開險。可邀而取。

士衆輕易其將。而有思歸之志。塞其易地。開其險路。因可邀而取之。

進道易。退道難。可來而前。進道險。退道易。可薄而擊。

進道平易。退道艱難。可使其來而前。以擊之也。進

道艱險。退道平易。可迫而擊也。

居軍下濕。水無所通。霖雨數至。可灌而沈。

處軍卑下。潤濕之地。水無所流通之處。又有霖雨頻數而至。因可灌而沈之也。

居軍荒澤。艸。楚幽穢。風飈數至。可焚而滅。

李獻吉曰
情形若指
諸掌

處軍荒澤之中艸茅荆棘幽深翳穢又有疾風頻
數而至因可焚而滅之也

停久不移將士懈怠其軍不備可潛而襲

停滯日久不能移動將士懈怠無言戒之心其軍
卒亦無備虞之計故可以潛往而襲之也

武侯問曰兩軍相望不知其將我欲相之其術如何
武侯問吳起曰兩軍對壘相望不知敵將能否我
欲令人視之其術將如何也

起對曰令賤而勇者將輕銳以嘗之務於北無務於

王世貞曰
如此將者

不可撼如
岳家軍矣

得觀敵之來一坐一起其政以理其追北佯爲不及
其見利佯爲不知如此將者多爲智將勿與戰也

吳起對曰使令賊而有勇者將輕銳之兵以嘗試
之務於奔北無務於貪得觀敵人之來士卒一坐
一起皆有節其政又整治而不亂其追北佯爲之
不及其見利佯爲之不知如此之將名爲有智之
將勿與之戰也嘗探試也

若其衆謹講旌旗煩亂其卒自行自止其兵或縱或
橫其追北恐不及見利恐不得此爲愚將雖衆可獲

楊慎曰徒
讀交書者
其弊必每

若其士衆謹譁喧闐旌旗煩擾紊亂其卒自行自
止不從號令其兵或縱或橫不聽約束其道北如
恐不及其見利如恐不得此爲愚昧之將雖衆而
可獲也舊本佯字作恐字今改之

應變第五

應變者臨時應變也行兵但知守常而不知與
得遷移應物變化之道倉卒之際安能取勝此
吳子所以歷應言之也故以應變名篇凡十章
兵無常勢其變無窮故善用兵者能隨敵之變

化而應之故曰應變

武侯問曰車堅馬良將勇兵強卒遇敵人亂而失行
則如之何

武侯問吳起曰吾車旣堅吾馬又良將士勇敢兵
衆強盛卒然遭遇敵人則驚亂而失其行列如之
奈何

起對曰凡戰之法晝以旌旗旛麾爲節夜以金鼓笳
笛爲節麾左而左麾右而右鼓之則進金之則止一
吹而行再吹而聚不從令者誅之三軍服威士卒用

王世貞曰
素行紀律
則無猝亂
之患

命。則戰無強敵。攻無堅陳矣。

吳起對曰。凡戰之法。白晝則以旌旗旛麾爲之節。遇夜則以金鼓笳笛爲之節。麾之左則左。麾之右則右。鼓之而進則進。金之而止則止。一吹則前行。再吹則合聚。不從吾令者則誅之。三軍旣服其威。士卒皆能用命以之戰。則無強敵以之攻。則無堅陣矣。果能以旌旗金鼓爲之制節。其進止三軍畏服。吾威士卒舍死赴敵。豈有亂而失行之事。大抵法度號令。貴在教養之有素也。若令不素行。以教

其士卒及至卒遇敵人亂而失行之際。雖有智者亦莫如之何也。

武侯問曰。若敵衆我寡。爲之奈何。

武侯問吳起曰。若敵兵衆我兵少。爲之奈何。

起對曰。避之於易。邀之於阨。故曰。以一擊十。莫善於阨。以十擊百。莫善於險。以千擊萬。莫善於阻。

吳起對曰。避之於平易之地。邀之於險阨之處。故曰。以一人而擊十人。莫善於地之阨。阨道路狹隘。也以十人而擊百人。莫善於地之險。險山阪峻絕。

楊慎曰。迂儒必重人。却而輕地。利不知衆寡。不敵不。謾言人和。此宋襄之仁義也。

也以千人而擊萬人莫善於地之阻阻坑坎高下也若我少彼衆在於平易之處必被彼擒引而誘之至於險阻之處我先居之倚地勢之險設伏投機以取其勝彼雖衆多無所措手此以少擊衆之法也

今有少卒卒起擊金鳴鼓於阨路雖有大衆莫不驚動故曰用衆者務易用少者務隘

今有寡少之兵卒然而起擊金鳴鼓於狹隘之路雖有大衆莫不驚擾搔動故曰用衆者務平易用

少者務險隘譬此以證用少務隘之驗

武侯問曰有師甚衆既武且勇皆大阻險右山左水深溝高壘守以強弩退如山移進如風雨糧食又多難與長守則如之何

武侯問吳起曰敵有師甚衆既武且勇言士卒練習而勢力之強也皆倚高大之勢前阻險絕之地右依山陵左近水澤言得地之利也深溝高壘守以強弩言備禦固也退如山移進如風雨言有節制也糧食又多言無飢疲也我之勢力難與長守

則如之何

起對曰大哉問乎此非車騎之力聖人之謀也

吳起對曰大哉君之問乎此非但用車騎之力耳
乃聖人之謀慮也彼師既如此之強不是車騎之
力所能勝也則在聖知之人計謀以勝之也謀見
下文又吳起答武侯之問言其此問非淺小故曰
大哉然此問豈掌車騎之將知力所能到乃聖人
之謀慮也聖人舉武侯言其能如此慮也亦通
能備千乘萬騎兼之徒步分爲五軍各軍一衢夫五

李淑吉日
難撼之衆

軍五衢敵人必惑莫知所加

國家能備車千乘騎萬匹兼之以徒步其法共一
十萬衆也可分爲五軍令一軍當一衢衢路也夫
五軍分爲五衢敵人必疑惑莫知加我軍之處
敵若堅守以固其兵急行間諜以觀其慮彼聽吾說
解之而去不聽吾說斬使焚書

敵若堅守壁壘以固其兵吾當急行間諜以觀其
謀慮彼若聽我使之說解釋而去則已不聽信吾
說斬吾之使焚吾之書

分爲五戰。戰勝勿追。不勝疾走。如是佯北。安行疾鬪。一結其前。一絕其後。兩軍銜枚。或左或右。而襲其處。五軍交至。必有其利。此擊強之道也。

然後五軍分爲五戰。戰若勝則勿追。恐有伏也。若不勝當疾避其強也。如是敵人佯爲敗北。我當安行疾鬪。不可忽也。或曰我佯北以誘之。亦通使一軍結其前一軍絕其後。又使兩軍銜枚而進。或於左或於右。而襲其不足之處。若五軍交五而至。必有共利。此乃擊強之道也。舊本歸字作走字。文用

韻今從之。銜枚出周禮。有銜枚氏。言以木榦如箸橫銜於口。繯結挈繞於項。禁聲也。

武侯問曰。敵近而薄我。欲去無路。我衆甚懼。爲之奈何。

武侯問吳起曰。敵近而迫。我欲捨去。無還返之路。我之兵衆。又甚恐懼。則爲之奈何。

起對曰。爲此之術。若我衆彼寡。分而乘之。彼衆我寡。以方從之。從之無息。雖衆可服。

吳起對曰。爲此之術。若我軍衆。彼軍少。分吾兵更

王世貞曰
武侯語詞
俱佳似久
習兵者能
實吳子代
爲設問以
發其胸中
武庫耳

迭而乘之若彼軍衆我軍少當以方法從之而無
息雖衆亦可服矣舊本忌作息今從之分而乘之
卽孫子曰倍則分之之法也言我衆敵寡則分開
我衆作二處一正一奇或一前一後以御之取勝
敵衆我寡以方從之是從其一而薄我之處務比
無務於得遠而隨之伺其輕我之寡少不以我爲
忌懈怠際奮而擊之雖衆可服也舊本作息未詳
其義

武侯問曰若遇敵於溪谷之間傍多險阻彼衆我寡

爲之奈何

武侯問吳起曰若遇敵人於深山溪谷之間兩傍
多有險阻之處彼軍衆我軍少將爲之奈何

起對曰諸丘陵林谷深山大澤疾行亟去勿得從容
若高山深谷卒然相遇必先鼓譟而乘之進弓與弩
且射且虜審察其治亂則擊之勿疑

吳起對曰諸丘陵林谷深山大澤險阻之地當疾
行亟去勿得從容恐爲敵之襲也若高山深谷卒
然與敵相遇必先鼓譟而乘之春秋傳曰寧我薄

人勿人薄我所謂先人有奪人之心也此云必先
設謀從之者薄之也進弓與弩且射且虜者乘人
之不及也然後審察其治亂之勢若亂則擊之勿
疑若治則又當設奇以亂之也舊本政作治今從
之

武侯問曰左右高山地甚狹迫卒遇敵人擊之不敢
去之不得爲之奈何

武侯問吳起曰左右皆有高山地勢又甚狹迫卒
與敵人相遇欲擊之不敢前進欲去之不得後退

將爲之奈何

起對曰此謂谷戰。雖衆不用。募吾材士與敵相當。輕
足利兵。以爲前行。分車列騎。隱於四旁。相去數里。無
見其兵。敵必堅陣。進退不敢。於是出旌列旆。行岫外
營之。敵人必懼。車騎挑之。勿令得休。此谷戰之法也。
吳起對曰此謂谷戰。兵雖衆而無所用。召募吾材
勇之士與敵人相當。輕足善走者持鋒利之兵爲
前行。分吾之車列吾之騎。隱伏四旁。使相去數里。
無顯露其兵。敵人必堅陣固守。進退皆不敢矣。於

是令吾軍出旌列旃行出山營之外敵人必有懼怖之心繼以車騎兩旁挑之勿令彼得休息此乃谷戰之法也

武侯問曰吾與敵相遇大水之澤傾輪沒轅水薄車騎舟楫不設進退不得爲之奈何

武侯問吳起曰吾與敵人卒然相遇大水之澤傾覆車輪沉沒車轅水迫車騎舟楫不曾設備進退皆不可得將爲之奈何

起對曰此謂水戰無用車騎且留其傍登高四望必得水情知其廣狹盡其淺深乃可爲奇以勝之敵若絕水半渡而薄之

吳起對曰此謂水戰車騎皆無所用且留之於旁令人登高阜四望必得水之情狀知其水之廣狹盡其水之淺深乃可爲奇以取勝敵若過水令其半渡而迫之

武侯問曰天久連雨馬陷車止四面受敵三軍驚駭爲之奈何

武侯問吳起曰天久連雨馬陷沒車停止皆無所

宗臣曰此篇諸段曲
盡用兵情
形變態爲
將者須得
其意而精
熟乃可以
戰可以守

用吾四面受敵三軍驚駭不安將爲之奈何
起對曰凡用車者陰濕則停陽燥則起貴高賤下馳
其強車若進若止必從其道敵人若起必逐其迹
吳起對曰凡用車戰者天道陰濕則停止陽燥則
興起貴隆高之地賤卑下之處馳騁其強車若進
若止必由其道敵人若起必追逐其迹庶無失也
武侯問曰暴寇卒來掠吾田野取吾牛馬則如之何
武侯問吳起曰強暴之寇卒然而來剽掠吾田野
攘取吾牛馬則如之何一本作牛羊

起對曰暴寇之來必慮其強善守勿應彼將暮去其
裝必重其心必恐還退務速必有不屬追而擊之其
兵可覆

吳起對曰暴寇初來必慮其勢力之強善守吾壘
勿輕出應之彼將暮晚而去其所負戴之物必重
其心必恐懼還歸退去務在急速必有不相連屬
者若追而擊之其兵可覆矣

吳子曰凡攻敵圍城之道城邑旣破各入其宮御其
祿秩收其噐物軍之所至無刊其木發其屋取其粟

楊慎曰
謂吳子不
知也乎

殺其六畜。燔其積聚。示民無殘心。其有請降許而安之。

吳子言凡攻敵困城之道若城邑既破必御其有祿秩之人收其器物之可用者軍之所至無刊其林木無伐其房屋無取民所食之粟無殺民之六畜六畜者馬牛犬豕羊雞也無燔燒官府之積聚示民無殘虐之心其民來有請降者卽聽許而安撫之此章與司馬法所載之意同舊本御作銜發作伐御其祿秩卽漢高入關籍吏民之謂也收其

器物卽封府庫之謂也無刊其木發其屋取其粟云云卽秋毫無犯之謂也

勵士第六

勵士者以功之大小設爲燕賞之禮而激勵無功者篇中但言勵士之法故以名篇凡一章

武侯問曰嚴刑明賞足以勝乎起對曰嚴明之事臣不能悉雖然非所恃也夫發號施令而人樂聞與師動衆而人樂戰交兵接刃而人樂死此三者人主之所恃也

楊慎曰三樂非王師不能

武侯問吳起曰嚴刑罰明賞賜足以致勝乎吳起對曰嚴刑之事臣不能悉論之雖然非國家所倚恃者也夫發號施令而使人樂聞與師動衆而使人樂趨於戰交兵接刃而使人樂就其死此三者乃人主之所倚恃也諸家之論賞罰信爲行兵之大要何吳起曰非所恃也必以發號施令而人樂聞與師動衆而人樂戰交兵接刃而人樂死爲所恃者噫吳子可謂深得用兵之法而非他人之所能及也孫子曰卒未親附而罰之則不服卒已親

附而罰不行則不可用而亦曰令素行以教其民與衆相得然後可也蓋嚴刑明賞者未也教之以禮勵之以義使有恥者本也苟能勉勵之使士卒果樂聞樂戰樂死則嚴刑明賞可無用也世之爲將者於刑賞尚不能信又豈能知勵士使之樂聞樂戰樂死哉此所以動則敗北而不能勝人也然此三者初無難事則在勵士而已彼受爵祿百金而不之行誠所謂不仁之至也非人之將也非主之佐也非勝之主也臨敵不勝而殺之誰之過歟

武侯曰、致之奈何、對曰、君舉有功而進饗之、無功而勵之。

武侯又問曰、使人樂聞樂戰樂死、將如何致之、起對曰、君舉前日有功者、進於廟庭燕享之、無功者激勵之、只此舉有功而進享之、無功而勵之、兩句就能致之、樂聞樂戰、死至易事也、苟有忠君之心、爲國之志者、宜舉而行之。

於是武侯設坐廟庭、爲三行饗士大夫、上功坐前行、餽席兼重噐上牢、次功坐中行、餽席噐差減、無功坐

王世貞曰

深淵激勸之術

後行、餽席無重噐、饗畢而出、又頒賜有功者、父母妻子於廟門外、亦以功爲差、有死事之家、歲使使者勞賜其父母、著不忘於心。

於是武侯陳設坐席於廟庭之上、分爲三行以饗士大夫、功之上者坐於前行、餽席兼重噐、牲用上牢、功之次者坐於中行、餽席噐比前行少減、無功者坐於後行、但有餽席而無重噐、燕饗畢而出、又頒賜有功者、父母妻子於廟門之外、亦以功爲差、等無功者不與也、有死於王事者之家、每歲遣使

者以物勞賜其父母著不忘於心古先帝王伯有
天下戰勝于外班師校功集衆於中軍之門上功
賜以金章紫綬錦綵之衣坐以重裯享以太牢飲
以醇酒父母妻子皆賜紋綾坐以重席享以少牢
飲以酎酒大將軍捧賜偏將軍捧觴大將軍令於
衆曰戰士某乙等奮不顧身功超百萬斬元戎之
首搴大將之旗功高於衆故賜上賞子孫後嗣長
稱鄉大夫之家父母妻子皆受重賞牢席有差衆
士咸知次功賜以銀章朱綬紋綾之衣坐以重席

享以少牢飲以酎酒父母妻子賜以繒帛坐以單
席享以鷄豚飲以醢酒偏將軍捧賜子將軍捧觴
大將軍令於衆曰戰士某乙等勇寇三軍功輕百
戰斬驍雄之首搴虎豹之旗功出於人賜以次賞
子孫後嗣長爲勲給之家父母妻子皆受榮貴牢
席有差衆士咸知下功賞以布帛之衣坐以單席
享以雞豚飲以醢酒父母妻子立而無賞坐而無
席子將軍捧賜卒捧觴大將軍號令於衆曰戰士
某乙等戮力行間劬勞歲月雖無搴旗斬將實以

跋涉疆場賜以下賞子孫後嗣無所庇諸父母妻
子不及坐享衆士咸知令畢命上功起再拜大將
軍謝曰某乙忝列王臣敢不盡節有愧上功叨受
上賞大將軍避席曰某乙不能繆居師長賴爾之
功梟懸兇逆威績美事某等無專善退而復坐命
次功再拜上功上功起曰某乙等無謀無勇遵師
長之命有進死之榮無退生之辱身受殊賞上光
父母下及妻子子其勉旃退而復坐命下功再拜
次功次功坐受曰某乙少猛寡毅遵師長之命決

勝負於一時身受次賞上光父母下及妻子子其
勉旃下功退而復坐夫如是勵之一會則鄉勉黨
里勉隣父勉子妻勉夫二會則州勉縣朋勉友三
會則行路相勉聞金草之聲相踐而出則隣無敵
國邑無堅城士何患不勵哉

行之三年秦人興師臨於西河魏士聞之不待吏令
界胃而奮擊之者以萬數武侯召吳起而謂曰子前
日之教行矣

行饗士之禮至三年之久遇秦人興師臨於西河

境上魏士聞之不待將吏之令彼甲冑而奮擊者以萬數武侯召吳起而謂曰子前日之教令行矣起對曰臣聞人有短長氣有盛衰君試發無功者五萬人臣請率以當之脫其不勝取笑於諸侯失權於天下矣

吳起對曰臣聞人有短有長氣有盛有衰君試發無功者五萬人臣請率以當秦兵倘有不勝則取笑於隣國諸侯失權於天下衆人矣無功者是坐後行之人

今使一死賊伏於曠野千人追之莫不梟視狼顧何者恐其暴起而害已也是以一人投命足懼千夫

今使一必死之賊隱伏於空曠之野千人共往追之莫不梟視狼顧有畏懼之心此謂何蓋恐其暴起而害已也是以一人能投命足可懼千夫起欲人人致死而戰也梟惡鳥也午時不見物故數視狼怯於行故數顧此設詞以起下文

今臣以五萬之衆而爲一死賊率以討之固難敵矣於是武侯從之兼車五百乘騎三千疋而破秦五十

李善能曰
何句簡述
切實真是
有用文章
彼虛談仁
義鋪張藻
績者寧不
愧死

萬衆。此勵士之功也。

今臣用五萬之衆而共爲一死賊率以討之同心併力固難敵矣於是武侯從吳起之言兼以兵車五百乘騎三千匹而破秦兵五十萬衆此乃勵士之功也昨者無功之人坐於後行耻愧無功不得上賞今聞秦人與師臨於西河旣不待吏令界冑而奮擊之是舍死命也上文一箇投命足懼千夫今以五萬舍死之衆討之難與我敵也武侯從其請以五萬無功者兼車五百乘騎三千匹與

率以討破秦五十萬衆此皆是勵士之功也由觀之士可不勵乎

先戰一日吳起令三軍曰諸吏士當從受敵車騎與從若車不得車騎不得騎徒不得徒雖破軍皆無功故戰之日其令不煩而威震天下。

先戰前一日吳起號令三軍曰諸將吏士卒當從吾令必受敵而無敗車騎與徒若用車戰者不獲敵人之車用騎戰者不獲敵人之騎用徒戰者不獲敵人之徒雖破秦兵皆如無功故交戰之日其

號令不煩擾而威震動天下

吳子卷下終

文化奉末

[Faint bleed-through text from the reverse side of the page, including characters like '夫', '其', '不', '煩', '擾', '而', '威', '震', '動', '天', '下']

